

## **Kata Pengalo – Ngalo Ras Momo**



Turang ras senina ibas Tuhanta Jesus Kristus. Selaku serayan Tuhan, ikataken kami mejuah-juah ras selamat Wari minggu man banta kerina. Man bandu kekelengen kami si sekali enda denga erkebaktin ibas gerejanta enda, ikataken kami mejuah-juah. Kerehenndu nambahi keriahen man banta kerina. Ibas kebaktinta enda, mari dage sidengkehken momo kerna perdalanan perpulungen Tuhan bagepe rencana pelayanen gerejanta ku bas wari-wari si reh enda ([Ngogeken Momo](#)).

## Kata Penaruh

=====

Senina ras turang si ikelengi Tuhanta Jesus Kristus, bengket me kita ibas Kebaktin Minggu UEM (*UEM Sunday*). Raduken gereja-gereja sidebanna si lit ibas telu benua, eme Asia, Afrika, ras Jerman; pulung kita ngataken bujur sebab keleng ate Tuhan tuhu mbelin man banta, janah nggo iarak-arakNa perdalanen geluhta seh wari enda. Meriah pe ukurta ibas *misi pelayanan bersama* nandangi doni ras kerina tinepa Dibata banci silakoken bagi si ngena ate Dibata.

Kita idilo guna nembah Dibata si erkuasa nandangi kerina tinepa si enggo ijujurkenNa man banta. Janah pe, Dibata mereken tanggung jabab man banta gelah mediate ras kepate sapih-sapih manusia ibas ngalaken krisis ekonomi *global* paksa enda. Tole pe kita idilo guna ngkelengi kalak sideban alu nehken toto ras penampat ibas perbeben kegeluhen sipaksana nderpa kegeluhenta. Bagepe kerna lingkungan sekelewetta, mari si jaga kebersihan lingkungan rumahta, si aturken pengelolaan sampah alu mehuli, si kelengi kerangen, mata lau, lau maler, ras tinepa sidebanna.

Alu bage, ibas paksa enda mari dage sipesikap pusuhta lako nembah man Tuhan, Ia kap Dibata sipatut ipuji ras ipermuliaken ibas kegeluhenta.

### Erkata Lonceng

(*Perp. Tedis*)

### Rende

**KEE No. 306 : 1 - 3 “O Kam Tinepa Dibata”**

(*Tupung rende simabai Kebaktin Bengket ku mimbar*)

**Kebaktin Minggu, 07 Juni 2026**  
**LITURGI MINGGU UEM TAHUN 2026**

**Alu Make Tata Ibadah**

**Gereja Kristen Injili di Tanah Papua – GKI Tanah Papua**

<b>3</b>	<b>Votum – Salam</b> <span style="float: right;"><i>(Perp. Tedis)</i></span>
L	Kebaktin enda ibenaken ibas gelar Dibata Bapa, AnakNa Jesus Kristus, ras Kesah Sibadia. Nusur gelah man banta (ndu) perkuah ate ras dame ibas Tuhan Jesus Kristus nari.
P	Amin ..... Amin ..... Amin ..... <span style="color: blue;"><i>(iendeken)</i></span>
<b>4</b>	<b>Berita Kerna Perbahanen Ras Sura-Sura Dibata (Invocatio)</b>
L	“Arus ikelengindu Tuhan Dibatandu asa atendu, asa tendindu lit, asa ukurndu lit ras asa gegehndu.’ Si peduaken e me kap, ‘Arus ikelengindu temanndu manusia bagi ikelengindu badanndu.’ Lanai lit undang-undang si deban si pentingen asa undang-undang si dua enda” (Markus 12 : 30 - 31).  Erpalasken kata Dibata enda, sipuji Ia alu ras kita ngendeken : <b>KEE 163 : 1 - 3 “Badia, Badia”</b>
<b>5</b>	<b>Sepuluh Pedah Dibata</b> <span style="float: right;"><i>(Perp. Kundul)</i></span>
L	Ibas persadanta ras Tuhan, marilah sitinggelken Sepuluh Pedah Dibata bagi si tersurat ibas Keluaren 20 : 2 - 17 1) Aku kap Tuhan Dibatandu, si maba kam ndarat i Mesir nari, inganndu iperbudak. Ola isembahndu dibata-dibata sideban, tapi sembah lah Aku 2) Ola ibahanndu gana-gana ntah gambar-gambaren kerna kai pe si lit i datas langit, i doni, ntah pe si i bas lau i teruh doni. Ola kam erjimpuh man gana-gana ntah pe ersembah ku je, sabab Aku kap TUHAN Dibatandu si percimburu. Asakai kalak si ernembah ate man bangKu Kuukum ia, ras anak-anakNa, seh ku kesusurena si peteluken ras si peematken. Tapi tetap Kukelengi kalak si engkelengi Aku ras si ngikutken undang-undangKu, seh kempak meribu-ribu kesusuren 3) Ola ipakendu gelarKu guna tujun si jahat, sabab Aku TUHAN Dibatandu, la banci la ngukum asakai kalak si nalah gunakan gelarKu

	<p>4) Inget wari Sabat janah pebadiaken lah wari e. Enem wari arus kam erdahin guna ndahiken dahinndu; tapi wari si pepituken e me sada wari pengadi-ngadin si man persembahenken man bangKu saja. I bas wari e, ise pe la banci erdahin : kam, anak-anakndu, budak-budakndu, asuh-asuhenndu, bage pe kalak pertandang si ringan ibas negerindu. Sebab ibas enem wari Aku TUHAN enggo njadikan doni, langit, lawit, ras kerina isina, tapi ibas wari si pepituken ngadi Aku. Em sabapna maka Kupasu-pasu wari Sabat janah Kupebadiaken wari e</p> <p>5) Mehamatlah man bapandu ras nandendu, gelah banci kam ndekah nggeluh ibas negeri si Kubereken man bandui pagi</p> <p>6) Ola munuh</p> <p>7) Ola erlua-lua</p> <p>8) Ola nangko</p> <p>9) Ola ibahan-bahanindu salah kalak</p> <p>10) Ola mengga atendu rumah kalak, ola mengga atendu ndeharana, budakna, lembuna, kaldena, ntah kai gia sikerajangenna</p>
<p><b>6</b></p>	<p><b>Berita Kerna Keleng Ate Dibata</b></p>
<p>L</p>	<p>Kita reh ku adep-adepen Tuhan alu pusuh si dem alu pengataken bujur erkiteken kekelengenNa. Marilah alu pusuh si teneng si inget keleng ate Dibata si mbelin si enggo berekenNa. Enggo itebusna kerina dosa ras kelepakenta. Mari ngataken bujur ilebelebe Tuhan janah ertoto : “O Tuhan, ibas kuasa ras keleng ateNdu, mindo kami pelimbaruiNdu gelah kegeluhen kami janah babailah kami ibas dalam kebenarenNdu. Ajarilah kami jadi kalak si setia ngikutken Kami janah ersaksi kerna kiniulinNdu segedang kegeluhen kami” Amin</p> <p><b>Rende : KEE 212 : 1, 4 “Perkuah Ate Simbelin”</b></p>
<p><b>7</b></p>	<p><b>Berita Kerna Perkuah Ate Dibata</b> <span style="float: right;"><i>(Perp. Tedis)</i></span></p>
<p>L</p>	<p>Dengkehkenlah O Senina ras Turang, pedah ni Tuhan Jesus man kerin ajelma si tuhu-tuhu nungtungken dosa-dosana iadepen Tuhan : “Kerina manusia si iendesken BapangKu man bangKu reh nge pagi ndahi Aku. Janah ise pe si reh ndahi Aku labo kutulak” (Johanes 6:37)</p> <p>Terpujilah Tuhan Jesus Kristus seh rasa lalap. Amin</p>

	<b>Rende : KEE 269 : 1 - 3 “Enggo masap dosangku”</b>
<b>8</b>	<b>Kata Dibata</b> <span style="float: right;"><i>(Perp. Kundul)</i></span>
a	Marilah sibegiken Kata Dibata bagin si pemena si man ogenken ibas Minggu enda sini ibuat ibas Kitab <b>Kejadin 50 : 18 - 21</b> . Mari siogeken secara pegancih. Sibenaken pengogenta .....
50:18 L	Dungna senina-seninana e jine reh, erjimpuh i adep-adepen Jusup nina, “Kami enda reh jadi budakndu.”
50:19 P	Tapi nina Jusup man kalak enda, “Ola mbiar labo banci aku jadi gancih Dibata ngukum kalak.
50:20 L	Jahat sura-surandu man bangku, tapi enggo isalihken Dibata e jadi si mehuli, gelah arah e banci iselamatkan Dibata kesah nterem kalak si nggeluh denga genduari.
50:21 P	E maka ola pada sitik pe kam mbiar. Aku pekena-kena kam ras anak-anakndu.” Dage alu kata si melias e, ipetetap Jusup mulihi ukur senina-seninana seh maka malem atena kerina.
	<p>Ketuahen kalak si megiken kata Dibata dengen si makekenca ibas geluhna si tep-tep wari</p> <p style="text-align: center;"><i>Ialoi perpulungen alu ngendeken :</i></p> <p style="text-align: center;"><i>Haleluya ....</i></p> <p style="text-align: center;"><i>Haleluya ....</i></p> <p style="text-align: center;"><i>Haleluya ....</i></p>

b	Ertoto guna Khotbah
c	Khotbah : <b>Matius 5 : 13 - 16.</b> Tema : <b>“Ersinalsal Min Terangndu”</b>
d	Ertoto kenca khotbah
<b>9</b>	<b>Pengakun Kiniteken</b> <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap.</p> <p>Amin.</p>
<b>10</b>	<b>Persembahen</b> <i>(Perp. Kundul)</i>
L	<p>Mari sipuji Tuhan ibas kita nehken persembahen enda :</p> <p><b>KEE No. 287 : 1, 2, 3 “Kune bas geluhta mara reh nderpa”</b></p> <p>Pertoton Persembahen Ras Sapaat</p> <p><b>Rende : KEE No. 299 : 1 “Ngikut Tuhan kin AteNdu”</b> <i>(Aloken)</i></p> <p><b>KEE No. 289 : 1, 2, 3 “Persembahen Kulebe”</b></p>
<b>11</b>	<b>Ende-Enden Tekad ras Pengutusen</b> <i>(Perp. Tedis)</i>
L	<p>Mari tedislah kita kerina, janah sipuji gelarNa arah enden pujinta</p> <p><b>KEE No. 327 : 1 - 2 “Tuhan Dibata si nemani”</b></p>
<b>12</b>	<b>Pertoton Tuhan</b>

<b>13</b>	<b>Pemasu-Masun</b>
L	<p>Babalah pusuhndu ngadap kempak Tuhan janah alokenlah pasu pasuNa</p> <p>“Ipasu-pasu janah ikawali Dibata kam, siang ayo Dibata ersinalsal ibabondu, janah melias ateNa ngenehen kam. Itatap Dibata ku kam, janah malem atendu ibahanNa, Amin”</p>
	<p>Ialoi perpulungen alu ngendeken :</p> <p>A..min</p> <p>A....min</p> <p>A .....min</p>
	<b><i>SELAMAT HARI MINGGU/SYALOOM.....</i></b>